



Broj:02-02-896-1/16  
Jablanica, 21.12.2022. godine

## Vijeće za konkurentnost

### **Izvod iz zapisnika sa XXXIII (33.) sjednice Vijeća za konkurentnost općine Jablanica održane dana 20.12.2022. godine sa početkom u 14:00 sati**

**Prisutni:** Damir Šabanović – Općinski načelnik, Dženan Mulahasanović – Sekretar organa državne službe Općine Jablanica, Emir Muratović – Predsjedavajući OV-a, Alma Pinjić – „Modular“ d.o.o. Jablanica, Elma Bajramović – „Jablanit“ d.o.o. Jablanica, Ramiz Zahirović direktor JP EP BiH - Podružnica Jablanica, Adis Šabanović -Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Jusuf Maksumić - Restoran Maksumić, Uzeir Zahirović – BH Granit, Amir Džafić – „Voćepromet“ d.o.o. Jablanica, te Nejra Imamović ispred Udruženja privrednika Jablanica i Jasminka Omanović ispred Službe za lokalni ekonomski razvoj i investicije, finansije i trezor.

**Odsutni:** Amela Muratović - Služba za LER, investicije, finansije i trezor, Jasmin Hujdur – „Pekara Hujdur“ Jablanica, Zijad Bišić – V.O. „HM“ Jablanica, Martin Zelenika – predstavnik JP EP HZHB Radna jedinica "Elektro-Doljani".

Predsjednica VZK-a Alma Pinjić pozdravila prisutne i konstatovala da sjednici VZK-a prisustvuje ukupno 11 članova od čega, šest (6) članova javnog sektora, pet (5) člana privatnog sektora, te se može pravovaljano odlučivati.

Za 33. sjednicu predložen je sljedeći Dnevni red:

1. Izvod iz zapisnika sa XXXII (32.) sjednice VZK-a
2. Budžet-Proračun Općine Jablanica za 2023. godinu – Nacrt
3. Operativni plan implementacije Strategije razvoja općine Jablanica za 2023. godinu s programom realizacije kapitalnih investicija – Nacrt
4. Rasprava (Analiza) o trenutnim programima subvencioniranja i poticanja privrednih subjekata na području općine Jablanica
5. Rasprava o naknadama i taksama iz nadležnosti Općine Jablanica
6. Razno

Predloženi Dnevni red jednoglasno je usvojen.

## **Ad. 1. Izvod iz zapisnika sa XXXII (32.) sjednice**

Predsjednica daje izvod iz zapisnika na raspravu.

Nije bilo primjedbi na Izvod iz zapisnika sa XXXII (32.) sjednice VZK-a, isti je jednoglasno usvojen.

## **Ad.2. Budžet-Proračun Općine Jablanica za 2023. godinu – Nacrt**

Općinski načelnik Damir Šabanović prisutnima je predstavio nacrt Budžeta za 2023. godinu. Kazao je da je Budžet planiran u iznosu od 11.327.520,00 KM i da je usvom obimu manji za 6% od Budžeta za 2022. godinu. Ukratko je predstavio strukturu planiranih prihoda. Prihodi od poreza planirani su u iznosu od 2.972.000,00 KM i veći su u odnosu na prošlu godinu za 17%. Neporezni prihodi planirani su u iznosu od 7.029.885 KM, od toga kapitalni prihodi u iznosu od 6.380.885,00 KM.

Rashodi su planirani u iznosu 11.327.520,00 KM i odnose se na: tekuće izdatke, tekuće transfere i druge tekuće rashode, te kapitalne transfere. Kapitalni transferi planirani su u iznosu od 2.477.535,00 KM i odnose se na prioritetne projekt iz strategije razvoja općine Jablanica projekt iz oblasti lokalnog ekonomskog razvoja, društvenog razvoja i zaštite okoliša i ostali kapitalni izdaci.

Predsjednica VZK-a se zahvalila Općinskom načelniku na uvodnom izlaganju i postavila pitanje da li je Načelnik zadovoljan konceptom predloženog Budžeta.

Općinski načelnik je kazao da će desiti značajne promjene u odnosu na ponuđeni nacrt Budžeta, prije svega vezano za stipendije, nerealizovane projekte iz 2022. godine, zatim zahtjeve JP i JU i druge promjene vezano za prijedloge i primjedbe koji su pristigle u toku javne rasprave. Općinski načelnik je kazao da Budžet nije razvojni i da su 70% istog fiksni rashodi.

Predsjednica je kazala da su u Udruženju privrednika Jablanica održali tri sastanka na temu Budžeta za 2023. godinu, da su u ostavljenom vremenu dostavili primjedbe na isti i prijedloge za poboljšanje.

Kazala je da je prihodovna strana neambiciozno planirana po pitanju rada općinske administracije vezano za procese građenja, kao da je ovom procjenom općinska administracija odlučila da ne radi. Smatra da ima puno neriješenih predmeta, da privrednici ne dobijaju odgovore ili iste dobiju vrlo kasno.

Vezano za procjenu za koncesionu naknadu ističe da općina Jablanica ima puno resursa, da postoji ozbiljno interesovanje lokalnih privrednika za iste i da se moraju staviti u službu lokalnog ekonomskog razvoja. Treba stvoriti pretpostavke da jedinica lokalne samouprave može živjeti i bez prihoda od hidroakumulacije.

Što se tiče rashoda postavila je pitanje – šta je strateški cilj ovog Bdžeta. Smatra da isti mora proizvesti rezultate od kojih će imati koristi cijela Jablanica. Ističe da su subvencije za NVO 2,5 puta veće od subvencija za privredu.

Iznijeli su primjedbu na ukupan iznos stavki koje se direktno ili indirektno odnose na JKP Jablanica od oko 550.000,00 KM. Smatraju da treba preispitati odluku o ulaganju u nešto što ne ide ka ozdravljenju.

Predlaže da se razmotri i nepohodnost izgradnje Vatrogasnog doma u vremenu krize.

Zatim, razmisliti o skraćenom vremenu i intenziteta rada javne rasvjete.

Ističe da je ulaganje u MSP najbolja investicija koja će imati mjerljive rezultate kao što je očuvanje postojećih i stvaranje novih radnih mjesta i drugi.

Na izlaganje Predsjednice Općinski načelnik je kazao sljedeće:

- vezano za tekuće transfere i tekuće rashode - bez ovih naknada JU i JP bi vrlo teško funkcionisale
- Što se tiče naknada za NVO kazao je da postoji Odluka o NVO od posebnog interesa.
- Vezano za poticaje privredi iznio je primjedbu da planirani poticaji ne budu iskorišteni u cijelosti od strane privrednih subjekata.
- Vatrogasna vozila se nalaze ispred zgrada, zauzimaju parking prostor, nezaštićena su i izložena propadanju, te da se Vatrogasni dom neće graditi samo do budžetskih sredstava.

Što se tiče primjedbe da privrednici dugo čekaju ili nikako ne dobijaju odgovore na svoje zahtjeve Općinski načelnik je kazao da do danas nije stigao dopis iz Udruženja privrednika u kome su navedeni zahtjevi na koje se čeka odgovor ili spisak dokumenata koji se čekaju od općinskih službi.

Elma Bajramović je ukazala na problem u kriterijima za subvencioniranje privrednih subjekata iz razloga što se zahtijeva nabavka nove opreme. Ističe da bi privrednicima puno više značila mogućnost nabavke polovne opreme.

Alma Pinjić predlaže da se kriteriji za subvencioniranje proanaliziraju. Smatra i da se nepotrebno traži mnogo dokumenata.

Potrebno je da privatni poduzetnici imaju isti tretman poslovnog okruženja, a ne kao do sada da najviše sredstava povlače oni koji su u problemu i ne pune budžet.

Općinski načelnik je kazao da se 27 godina kupuje socijalni mir, ali bez obzira na sve JKP Jablanica je strateško preduzeće, vodosnabdijevanje i odvoz smeća u općini moraju funkcionisati.

Dženan Mulahasanović je govorio o dilemi da li je budžet razvojni ili socijalni. Kazao je da se fokusi mijenjaju. U ranijim godinama išlo se u kreditno zaduženje za izgradnju sportske dvorane i taj segment je riješen. Zatim je fokus bio na izgradnji poslovne infrastrukture i ponovo se išlo u kreditno zaduženje i izgradnju poslovnih hala. Zatim se rješavao status preduzeća Granit. Trenutno je fokus na izgradnji vatrogasnog doma.

Napomenuo je da u junu 2023. godine JKP Jablanica izlazi iz stečaja, te da će se Općina Jablanica morati očitovati o istom. Kazao je da su svi povećavali cijene usluga. JKP Jablanica

ima cijene usluga od marta 2013. godine. Moraće se dati odgovor da li će vijeće obezbijediti subvenciju ili će se ići ka tržišnoj cijeni.

Što se tiče kriterija za dodjelu subvencija kazao je da su isti preuzeti od viših nivo vlasti.

Alma predlaže da se kriteriji mijenjaju jer sve ispod omjera 50:50 neće proizvesti pozitivne efekte.

Predsjedavajući OV-a Jablanica Emir Muratović je kazao da je budžet socijalni i da svako traži povećanje. Istakao je da se mora biti obazriv prema JKP Jablanica dok preduzeće ne izađe iz stečaja. Kazao je da OV Jablanica nije razmatralo povećanje cijena komunalnih usluga. Lični stav predsjedavajućeg OV-a je da bi se mogla povećati cijena odvoza smeća za građanstvo. Stav nije popularan, ali može proizvesti pozitivan efekat. Ističe da je teško zadovoljiti sve apetite i da neki potezi nisu popularni ali se moraju povući.

Ramiz Zahirović smatra da je preambiciozno planiran prihod od hidroakumulacije.

Kemal Muratović ističe da naknadu od hidroakumulacije ne treba dovoditi u pitanje, te da je potrebno zaštititi je.

Smatra da bi Budžet trebao biti sanaciono-privredni. Analitički 70% budžeta je fiksirano tako da za privredni razvoj ostaje 2,5 miliona. Ističe da je potrebno intenzivirati saradnju između Općine Jablanica i Udruženja privrednika Jablanica.

### **Ad. 3. Operativni plan implementacije Strategije razvoja općine Jablanica za 2023. godinu s programom realizacije kapitalnih investicija – Nacrt**

Operativni plan implementacije Strategije razvoja općine Jablanica za 2023. godinu s programom realizacije kapitalnih investicija je dokument iz koga se može sagledati odnos strateških ciljeva, prioriteta i mjera, utvrđenih u strategiji razvoja općine Jablanica za period 2021.-2027. godine i projekata planiranih u budžetu za 2023. godinu kojima se želi doprinijeti ostvarenju zacrtanih ciljeva. Općina usvojila novu Strategiju razvoja za period 2021.-2027. godine, u kojoj je primjenjena nova metodologija izrade strateških dokumenata koja podrazumjeva da se u strateške dokumente mogu ugrađivati i novi projekti koji doprinose ostvarenju ciljeva razvoja, za razliku od dosadašnje metodologije.

U diskusiji su učestvovali Općinski načelnik, Dženan Mulahasanović i Alma Pinjić.

### **Ad. 4 Rasprava (Analiza) o trenutnim programima subvencioniranja i poticanja privrednih subjekata na području općine Jablanica**

S obzirom na činjenicu da se o ovoj problematici raspravljalo u okviru rasprave o nacrtu budžeta za 2023. godinu nije vođena dalja rasprava, donesen je sljedeći zaključak.

**Zaključak:** Radna grupa, sastavljena od predstavnika Općine Jablanica i Udruženja privrednik Jablanica, će izvršiti analizu Programa subvencioniranja privrednih subjekata na području općine Jablanica i predložiti eventualne izmjene istog.

## **Ad. 5. Rasprava o naknadama i taksama iz nadležnosti Općine Jablanica**

Rezultati ranijih istraživanja pokazali su da Općina Jablanica ima najmanji broj i najniže parafiskalne namete u okruženju.

Zaključak: Pripremiti pregled svih naknada iz nadležnosti Općine Jablanica, te napraviti poređenje istih sa susjednim općinama.

## **Ad.6. Razno**

Razgovarano o potrebi zakazivanja sastanka predstavnika Udruženja privrednika Jablanica sa Općinskim načelnikom.

Udruženje privrednika Jablanica će predložiti termin sastanka.

Sjednica završena u 15:50 sati.

Zapisnik vodila:

Jasminka Omanović

Predsjednica Vijeća za konkurentnost:

dr.sc. Alma Pinjić, dipl.ing.arh.